

Qalerallit avataasiorluni aalisarnermi pisarineqartut akitsuutaat pillugu Inatsisartut inatsisaata allangortinneqarneranik Inatsisartut inatsisissaatut siunnersuut.

Saqqummiussinermi ilisimatitsissut

(Aningaasaqarnermut Nunamullu Namminermt Naalakkersuisoq)

Siullermeerlugu oqaluuserineqarnera

Naalakkersuisut sinnerlugit matumuuna qalerallit avataasiorluni aalisarnermi pisarineqartut akitsuutaat pillugu Inatsisartut inatsisaata allangortinnissaanut Inatsisartut inatsisissaatut siunnersuut saqqummiutissavara.

Siunnersuut inatsisip maanna atuuttup iluarsiivigineqarneranik imaqarpoq. Inatsisip atuuttup naleqqutinngittunik imaqarnera paasinarsimmat, taakkulu ilaasa atorunnaarsinneqarnissaanik kissaateqarnermik taamatut siunnersuuteqarneq pissuteqarpoq.

Siunnersuutigineqarpoq, akitsuummik akiliisussaatitaanerup atuutilernissaanut piffissaq pisat pisaqarnerisa nalaanut siuartinneqassasoq, mannakkut atuttumut pisat nunanut allanut anninneqarfianni imaluunniit inummut pingajuusumut tunineqarfianni akitsuummik akiliisussaatitaanermt taarsiullugu. Piffissamik akitsuummik akiliisussaatitaanerup pisat pisarineqarneranut siuartitsinermi, pisassiissutinit atuinerup annertunerpaartaanik akitsuusiineq qulakkeerneqassavoq. Taamaasiluni akitsuutit naatsorsorneqarnerat pisariillinerussavoq nakkutilliinerlu ajornannginnerulissalluni.

Tamanna ilutigalugu, akitsuutip annertussusissanik naatsorsuernermt tunngavineqartut iluarsiivigineqarnissat siunnersuutigineqarpoq, nalinut naatsorsuutit qarallit ilivitsunngorlugit qerititat akiisa ineriartornerat Qallunaat Nunaanni naatsorsueqqissaartarfimmit paasissutissat tunngavigalugit.

Inatsisissatut siunnersuut tassumalu oqaaseqaatitai innersuutigissavakka.

Taamatut oqaaseqarlunga Naalakkersuisut sinnerlugit inatsisissatut siunnersuut Inatsisartunit Aningaasaqarnermut- Akileraaruteqarnermullu ataatsimiisitaliami tulliliussatut suliaassanngorlu-gu, aappaassaaneerneqarnissaanullu tunniuppara